

non si difendendo con verità, vien condannato. Et a le volte intravien, che tutte do le parte è condannate. Questo perchè niun medico, nè fisico, nè ciroico puol medegar in questa terra alcun ferido, se non va a dar in nota a ditto officio, sotto grandissime pene, et cussì si vien in la verità. Et per questi cinque, o almeno 4 di lhorò, a bossoli et ballote, vien condannati li sopraditti, secondo le leze. Et dimandando gratia, poi la vien fatta, et redutta in poco, come a loro par, pur con ballote; et convien pagar, quello che è condannato, *statim*. Ma essendo messe le condemnation in raspa, non puol più far ditti gratia alcuna, ma convien o pagar el tutto, o appellarse a l'avogaria. Uno di lhorò fa cassa ogni mexe, et uno va da matina al colegio. Et è da saper, che quelli che sarà querelati contra de lhorò, et chiamati su le scale de Rialto, o fatti comandar a la sua caxa, non comparendo, sono condanati secondo le leze, et poi stridati in Rialto, messi in bando di Venexia. I qual bandi si chiama bandetti; et se uno de questi fusse trovato, dia star in preson, pagar la condanason, et rimandato fuora de la terra;